



UNIVERSITÄTS-
BIBLIOTHEK
PADERBORN

Universitätsbibliothek Paderborn

Microsynodus Treverina

Mosham, Ruprecht von

[Solingen], 1540

VD16 M 6437

Memorial vnd gedenckzetel was mein genediger herr Hertzog Georg vonn Braunschweig etc. Thu[m]bprobst zu Colln etc. mit der Rö. Key. Ma. oder doch auffs wenigst mit dem herrn Vice Cantzler Doctor ...

urn:nbn:de:hbz:466:1-36773

Memorial vnd gedenckzettel was

mein genediger hertz Herzog Georg vom Braun-
schweig etc. Thübprobst zu Colln etc. mit der R^{öm}.
Key. Ma. oder doch auffss wenigst mit dem hertz
ViceCangler Doctor Mathias Helden von wegen
Kuprechten von Mosham Thübtrechants zu Pas-
sau in der Religion sachen handeln vñ reden soll
wie volgt.

Erstlich soll jr S. G. der R^{öm}. Key. Ma. vnserm aller
genedigsten herrn anzeigen das alles das was Thum-
rechtant jr Ro. Key. Ma. sambt auch der Ro. Ku. Ma.
laut eingeschlossener Copey zugeschubt das solches al-
les wiewol es die blindt tobend vnbusfertige welt vn-
glenblich ansiecht als gewis war ist als Gott in dem
himmel ist vñ Christus leiblich auff erden gewesen vnd
widerumb zukunfftig ist zurichten die lebendigen vnd
die todte. Als gewislich erschein Christus an iez geist-
lich in seinem heiligen wort vñ seinem heiligen namen
nach inhalt vñ vermög der clärlichen verheissung vil-
feltiglich in der heiligen schrifft begriffen vor dem vn-
dergang der welt der Christenheit zu sonderlichen vñ
wunderbarlichen gnaden wo sie das licht vñ die war-
heit annimpt wo nicht zu allererschrecklichsten straff
vñ zu vndergang des Römische Reichs sambt auch
der Römische Kirchen gleich wie weyland das Juden-
thumb zerstorret vñ in alle winckel der welt zerstreuet
vñ vndergangen ist. Das sey alles dem Christenthumb
so gewislich zukunfftig als man mit augen ansieht
wisse vñ verstee das es den Juden also schrecklichen zu-
gestanden vñ von Gott warhafftiglich geleyt sey.

Zum andern soll jr S. G. der Ro. Key. Ma. od doch

MICROSYNODVS

auffs wenigst dem herin Vicecantzler/entdeckten vnd anzeigen/wie die Ro. Key. Ma. den iezigen kunig vñ Franckreich vñ den Babst Clement/als der selben zeit die feind vñ widerwertigē der Ro. Key. Ma. leiblich gefangen vñ in jr Key. Ma. henden gehabt hab/ Also werd die Ro. Key. Ma. (wo ferz sich annderst jr Ma. mit Gott vñ seinē heiligen wort/ der schrecklichen mißbriuch halben/nicht weniger in dem Babstumb als in dem Lutherthumb versuenen vñnd die mißbriuch abthuen) den Babst sambt aller seiner Clerisey/ den kunig von Franckreich vñnd den Churfursten von Sachsen sambt dem ganzē Lutherischen bundt mit dē schwert des geists Gottes/das ist mit dem wort der warheit/ geistlich schlagen/ sehen vñ bezwingē/zethuen vñ fürzenemen/was recht/redlich/Christlich vñ götlich ist/vñ was Gott vñ dem Keyser in Gott vñ seinē heiligen wort wolgefelt/gut vñ recht ist/wo ferz anderst jr Key. Ma. die warheit des worts welches Gott an ietz von himel/iuxta promissiones scripturarum, geschickt vñ geschenckt/anhören vñ vor Gott vñ der welle bekennen wollen.

Zum dritten/das Thumbrechtant alle seine leer/ fürnemen vñ vorhaben/nicht allein aus den propheten vñ aposteln/vñnd aus dem heiligen Euangeli/sonder auch aus den vier leeren der heiligen Christlichen kirchē künde darthun vñ beweisen/vñ das aller dieser abfall vñ irthumb in der kirchen nicht allein hat sollen vñ müssen also beschehen/dieweil es also geschrieben ist gewesen/vñnd Gott in seinem heiligen wort nicht liegen mag/sonder das es auch also zu lob vñ preys des name Gottes in Christo nutz vñ not gewesen/Nemlich das

TREVERINA.

hiedurch die Turcken vnd Heyden zum merern teil zu vnserm heiligen Christlichen glauben bewegt vnd geraitzt vnd der namen Christi von Vidergang der sonnen bis zum Auffgang gepreyßt werd.

Zum vierdenn das Thumbeeckant die geschuffte so gewaltiglich wider die Lutherisch leer vnd irthumen ein fuer gebrauch vnd darchue wo solches in drucke komen vnd außgeen soll das den gedachten Lutherischen wirser vnd vbelen geschehen wirt / als wan inen die Ro. Key. Ma. ein hauptschlacht zu feld angewunne / vil wider sie erhielt.

Zum funfften wo die Ro. Key. Ma. diese hohe gehaynnus vil wunderbarlich genad Gottes anzuhoren vil zuuernemen werden wegern / außschlagen vnd verachtenn. So werd das haus Osterreich nach dem es an ietz zum hochsten gewachsen am hochsten steet zum schrecklichen erbarmlichen fall gedeyen. Es werd auch nicht allein jr Keyserlich Maiestat der kunig vß Franckreich / wie er dan bis hieher alzeit gethan / keine glaub vñ traue halte / Sonder jr Maiestat werde alle gehorsam in Teutschen landten verlieren / oder ein solches blutergiffen anrichtenn / das die Teutsch nation zu grunde vnd bodenn gehen / vnd hiezwischen ein entweder der Turckisch keyser einfallenn / oder ein gemeine Bauern auffrur aufferweckt werdenn / das wir gewisslich in grunde verderbenn vnd vnder gehenn müssen.

MICROSYNODVS

Dieses alles mag die Ro. Key. Ma. estat verhöret, das man den Thumbrechtant an jetz zu Speier genug samlich vñ notturfteiglich verhöre vñ seinen rath vñ gut beduncken der Ro. Key. Ma. alsd an furbring vñ anzeige. Damit dasselb alsdan statlich vñ notturfteiglich der Bäßstliche heiligkeit mag furgebracht vñ angezeigt werden. darzu erbeut sich auch Thumbrechtant nicht allein zurathen vñ zuhelffen. sonder auch eygener person mit der Bäßstliche heiligkeit vñ iren Cardinaln zeredē vñ zehandlen. vñ dasselb sonill furzubringen. damit die Bäßstliche heiligkeit was redlich. recht. götlich vñ billich ist. offentlich vor Gott vñ den menschen vngezweifelt zubekennē bewegt werd. Darumb bitt Thumbrechtant durch Gott vñ in Gott. das man im die obgemelte audiētz nicht woll abschlagen. nach diese allerwichtigste sachen verachten. dan es sey alles höher. grösser. wunderbarer dan man mēschlicher ding mag glauben oder begreifen. wo man es aber horet. so werd man es nicht allein verstecken vñ sehen. sonder auch (also zureden) greiffen mogen. das es alles in der geschrifft vñ warheit gegründet ist.

Es sol auch hochemelter mein gnediger Herz der Ro. Key. Ma. vnerschrocken vñ frey anzeigen vñ entdecken. So ferz ir Key. Ma. den gedachten Thumbrechtant werden anhoren. vñ der vnwidersprechlichen warheit des worts Gottes glauben vñ gehorsam sein. so werden ir Key. Ma. ire Columnas Herculis, darauff geschrieben Plus ultra, wie weyland Hercules dieselbenn columnas ab oriente in occidentem gesetzt vñ gebracht. Also ir Key. Ma. von Occident vñ Niedergang der sonnen

TREVERINA.

bis zu end des Aufgangs der sonnen vñ Orient. setze
vñ bringen mit vntödelichem ruem glori vñ triumph
vber alle Keyser so ye gewesen. Darzu habenn jr Key.
Ma. bereid einen guten anfang gemacht vñ an ierz vñ
Occident ier columnas Herculeas, cum magnifico illo Plus ultra,
wider aller menschen hoffnungge wunderbarlich durch
Francreich gefuert vñ gefaren vnd werden auff die-
ser fart gewislich bis gen Constantinopel / et plus ultra,
fort geen vñ fare. So fer: anderst jr Key. Ma. die Re-
ligion vñ glaubens sache mit einem rechten gödelichen
Christlichen grundt, welchem Gott schon beraid ge-
schickt vnd gegeben hat / hinlegen / vereinigen vñ ver-
gleichen.

Wo aber die Ro. Key. Ma. die gödelich himlisch ga-
ben mit so hohen vnerhorten anbietē werden, außschla-
gen / wegern vñ verachten. So werden gewislich jr
Key. Ma. als wenig fort mögen vnd außsichten, als
sie der zeit jr Key. Ma. eigener person mit einer erschre-
cklichen / ernstlichen / Keyserlichen macht vnd grossen
heer in Francreich gezogen vñ dasselbmal aufge-
richt haben. Vbi solus et mutus fluuius Rodanus ex permissione di-
uina prohibuit Casaris progressum. Et Roma dixit et insultauit Ca-
sari, Non plus ultra, te docet Rodanus.

Das alles zeigt Thumbrechtant aus einem redliche
Christlichen eyfer der Ro. Key. Ma. dermassen ernst-
lich an damit der schrecklich zorn Gottes eylends ver-
siner / gestillt vnd nicht veracht. Sonder dannit jr Key.
Ma. der wunder werck Gottes anzusehen vñ zube-
herzigen die oren vñ augen auffgethan werden.

Es bitt auch Thumbrechtant / das hochgedachtere

MICROSYNODVS

mein gnediger herr: Herzog von Braunschweig Thü-
 probst etc. als vil jr S. G. sein / des Thumbrechtants leer
 gelesen vñ verstanden haben / bey der Ro. Key. Ma.
 woll gute warhafftige / redliche / Christliche Kundt-
 schafft frey vñ vnerschrecklich geben / ingedenck des
 schrecklichen spruchs Christi / Qui me confessus fuerit coram
 hominibus, confitebor ego eum coram patre meo qui in caelis est. Qui
 autem negauerit me corā hominibus, negabo & ego eum coram patre
 meo qui in caelis est.

Es werde auch solches alles irem S. G. bey der Ro.
 Key. Ma. nicht allein keinen schaden vñ nachteil / son-
 der ewigen vntödelichen ruem lob / preys vñnd danck
 bringen / vñ aus solcher warhafftiger kundtschafft zu
 steen vñnd eruolgen / Diueil jr S. G. als ein geborner
 furst / welchem die Ro. Key. Ma. billich glaubenn ge-
 ben soll vñ mag / ein vsacher vñ zeng der Gottlichem
 warheit (gleich als ein gesandter furstlicher bott vom
 Gott geschickt) sein wirdt / dadurch die Ro. Key. Ma.
 bewegt / Das diese Gotliche gab nicht veracht vñ auf-
 geschlagen / sonder der ganzen Christenheit zu nutz vñ
 gutem / gehört vñ eroffnet werde.

Es mag auch jr S. G. dem Thumbrechtant guete vñ
 warhafftige kundtschafft geben / das er (Gott lob) bei
 guter vernunfft / vñd solchs alles nicht als ein vnsmi-
 ger der seiner vernunfft beraubt / schreib / handel / zusag
 vñ begeret: Er verstee wol vñ bedenck / notturfiriglich
 was grosser ewiger / vnausleschlicher hon / spot / schäd
 vñ nochtteil im daraus eruolgen ward / wan er solche
 hohe / grosse / wunderbarliche / vnerhorre ding der Ro.
 Key. vñ K. n. Ma. als den aller höchsten hielten vñnd

TREVERINA.

heuptern der Chriſtenheit, ſoll zuſchreiben, zuſagen vñ
nicht im werck der warheit laſtenn/darthon vñ erzei-
gen mogen. Damit thut Thumtechant ſich iren **S. S.**
in aller demut beuelhen. Datum Colln den XXII. Maij,
Anno MDXL.

Es hat auch obgemelter Thumbtechant der heili-
gen ewigen warheit des worts Gottes zu beſtendiger
vñ ewiger zeugnis, vñ damit dieſes Memorial ad per-
petuam rei memoriam & testimonium ueritatis, deſt glaubwirdi-
ger vñ mit mererẽ ſchein mog gezeit vñ furgebracht
werden, mit ſeinem angebornen inſigel beſtatten vñ
bewaren, vñ mit ſeiner eignen handt vñderſchreibenn
wollen. Beſchehen *ut ſupra.*

Jr S. S.

gehorsamer demutiger

Ruprecht von Moſham D.
Thumbtechant zu Paſſau.
eigner handt

① iij

ἡ ἀρετὴ ἀντιφθονὸς.

Omnis iacta sit alea. Eatur igitur quò deorum portenta & inimico-
rum iniquitas uocat, ut ostendatur potentia CHRISTI in
iugulando Antichristo, & ut annuntietur nomen
CHRISTI in tota terra.
Dominus Deus uidet, uidebit & providebit.